

# Powšitkowne WOZJEWJENJA

njedźelu, 10. nowembra 2024

## Serbske namrěwstwo za morjom džensa

Wo serbskim namrěwstwje w zamórskich krajach, što tam pod tym rozumja a kak je pěstuja, budže Trudla Malinkowa z Budyšina štwórtk, 14. nowembra, w 19.00 hodź. na Chróšćanskej farje přednošować. Wšitcy zajimcy su wutrobnje přeprašeni. W 19. lěstotku je dohromady něhdže 5.000 Serbow z Łužicy do zamórskich krajow wupućowało. Najwjace z nich namakachu w Awstralskej a w ameriskim Texasu swoju nowu domiznu. Mnozy z jich potomnikow wuznawaja so hišće džensa jako Serbja a haja wosobinske počahi do Łužicy. Hižo lětdžesatki skutkuja w Awstralskej a Texasu towarstwa, kotrymž wjacore sta člonow přislušeja. Wone staraja so wo hajenje serbskeho namrěwstwa svojich prjedownikow a wo dalewuwiće serbskich tradicijow pod džensnišimi wuměnjenjemi. Na kotre wašnje so tole stawa, za tym je so Trudla Malinkowa mjez akterami wobhonila.

## Pomocna akcija „Łužica pomha“

Towarstwo Cyrila a Metoda z.t. (TCM) chce tež lětsa ze swojej nazymskej akciju „Łužica pomha“ diecezanskemu zwjazkej Carity w pólskim Etku zaso pomhać. Wotedać hodža so dary – po móžnosći w měchach – pola Špitankec w Zejicach, Kamjenska dróha 10: pjatk, 15. nowembra, wot 15.00 do 18.00 hodź. kaž tež sobotu, 16. nowembra, wot 9.00 do 11.00 hodź. Štóž chcył akciju z pjenježnym darom podpěrać, njech přepokaza swój dar na konto Towarstwa Cyrila a Metoda z.t. (TCM): Cyrill-Methodius-Verein e.V., IBAN DE65 7509 0300 0008 2823 66, hesło: „Caritas“. Za dary hač do 300 eurow dosaha za financny zarjad mjeztym jako dopokaz kontowy wučah. Za wyše sumy wustaji TCM darowancku kwitowanku, trjeba pak dospołnu adresu, kotruž měli pak z mejlku na TCM@Posol.de pak telefonisce pod (0 35 91) 55 02 10 zdžělić.

## Modlenje w Róžeńće

Na modlenje před Najswjećišim su wěriwi sobotu, 23. nowembra, we 18.00 hodź. do Róžeńčanskeje hnadowneje cyrkwy přeprašeni. Pačerje budu w serbskej a němskej rěči spěwane.

## Młodostni na Chrysta Krala do Chróścic

Na zhromadny nyšpor je dekanatna młodžina tež lětsa na swjedženju Chrysta Krala, njedźelu, 24. nowembra, do Chróścic prošena. Započatk je w 14.00 hodź. Młodostni njech sej swoje šmóratko sobu přinjesu.

## Paslenje adwentneje pychi

Mačerje a nanojo z džěćimi, ale runje tak samostejacy su na paslenje adwentneje pychi do Różanta na administraturu pódlu cyrkwy přeprašeni. Paslenje přewjedu sobotu, 23. nowembra, wot 14.00 do 18.00 hodź. Hladajo na to, kelko materiala měło so wobstarać, prosy Gerat Róbl ze Smjerdžaceje, zo bychu so zajimcy telefonisce pod čisłom (01 72) 7 94 75 22 přizjewili. Štóž chce, je we 18.00 hodź. k modlenju před Najswjećišim w Róžeńčanskej swjatnicy přeprašeny.

## **Kulturna zyma w Chróścicach**

Mjez tym 13. kulturnu zymu zarjaduje Monika Gerdesowa wot 30. nowembra do 15. februara stajnje sobotu w swojej putniskej hospodze w Chróścicach. Nimale tydzensce poskičuje wona wšelake zarjadowanja za džěci a dorosćenych w serbskej a němskej rěči. Přehlad zarjadowanjow je w interneće pod [www.posol.de](http://www.posol.de) wozjewjeny.

## **Mandželskej seminaraj**

Seminaraj k přihotej na sakrament mandželstwa wotmějetej so klětu stajnje pjatk a sobotu, 7. a 8. februara kaž tež 28. a 29. nowembra, w Smochčanskim kubłanišću swjateho Bena. Přizjewjenja přijimuje dekanatne dušepastyrstwo młodžiny we Worklecach hač do srjedy, 8. januara, online. Link je pod [www.posol.de](http://www.posol.de) podaty.

## **TCM prosy na škot a rommé**

Sekcija Swójba Towarstwa Cyrila a Metoda z.t. (TCM) přeprašuje wšitkich zajimcow na škotowy turněr, kotryž wuhotuje wona wutoru, 19. nowembra, na předwječoru pokutneho dnja, we 18.30 hodž. w Jasčanskej „Bjesadze“. Kulturny dom nańdžeš z Dobrošic přijědncy a křižowanišćo přeprěčiwiši runjewon na kromje wsy. Wuraznje su nimo muži tež žony přeprašene, wšojedne kotreje staroby. Za tych, kotřiž njemóža škot hrać, zarjaduja zdobom turněr z kartowej hru rommé. Myta ma TCM za dobyćerjow wobeju turněrow spřihotowane. Wobdželenje je za wšitkich darmotne. Wo zastaranje z jědžu a napojemi so TCM postara.

## **Serbski comic wo influenceru Božim**

Wo młodostnym z Italskeje, kiž móžeše jara derje z kompjuerami wobchadžeć a kotryž ma so bórze swjatoprajic, předleži wotnětka kniha w serbskej rěči – a to jako comic. Carlo Acutis (1991–2006) běše na leukemiju schorjeł a je jenož 15lětny zemrěł. Publikacija je na wšitkich farach w katolskich Serbach za 15,00 eurow na předań. Po českej wersiji je ju farar Gerat Wornar přeložil a Fabian Kaulfürst lektorizował.

## **Pytaja přidatnu hladansku wosobu**

Hornjołužiski zwjazk Carity pyta k najblišemu móžnemu terminej za swoju Dnjowu hladarnju „Při Krabatowym puću“ we Worklecach přidatnu wosobu za hladanje a wobstaranje. Požadanja přijimuje nawodnica dnjoweje hladarnje Jěwa-Marja Šnajderowa pod adresu Při zelenišćach 5, 01920 Worklecy, abo z mejlku na [e.schneider@caritasoberlausitz.de](mailto:e.schneider@caritasoberlausitz.de). Nadrobne wupisanje je pod [www.posol.de](http://www.posol.de) wozjewjene.